



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt XXXII. Idem Episcopo a Tullensi.

[urn:nbn:de:hbz:466:1-74544](#)

in praesenti casu in ipsa sententia specialiter cau-
tum fuerat , molendinum reædificandum esse in
eo statu , ac fuerat tempore mota litis : unde ad
litis contestationem ea verba referri debebant ,
cum in hoc casu tunc diceretur lis mota , licet in

aliis casibus lis incipiat à citatione , ut docet Fe-
lic. Vega. in rubric. de iudicis. num. 44. & in cap.
propositi , num 67. de foro competenti , & probavi
in cap. unic. de litis contest.

CAPUT XXXI.

Idem Prelatis , & Capitulis universitatis a Constantinopol.

EX parte vestra fuit propositum coram nobis , quod venerabilis frater noster Pa-
triarcha vester , occasione constitutionis cuiusdam , quam venerabilis frater noster
Albanensis Episcopus tunc Apostolica Sedis Legatus in partibus Romanis
super legatis edidit defunctorum , & dilect. frater I. titulo sancta Praxedis Presbyter
Cardinalis , dum ibidem legationis fungeretur officio , innovavit , de quibusdam , qua
vobis , & Ecclesiæ vestris legantur à decedentibus , tertiam indebet à vobis exigit por
tionem . Cum igitur Episcopus , & Cardinales prædicti (sicut ex eorum interpretatione
accepimus) non intellexerint , quod de his , quæ in ornamentis ecclesiasticis , vel ad
fabricam Ecclesiæ reparazione indigentis , aut ad Ecclesiæ luminaria , necnon & de his
quæ pro anniversario a septimo , trigesimo , ac vigesimo faciendis ; vel de his , quæ
personis specialiter , nisi forte id fiat Ecclesiæ ratione , à quoconque legantur , aliqua
deberet solvi portio Ecclesiæ Cathedrali : Nos interpretationem eorum ratam haben
tes secundum ipsam constitutionem præfamatam præcipimus observari , firmiter inhiben
tes , ne in prædictis aliquid fraudulenter in præjudicium Cathedralis Ecclesiæ procu
reter.

NOTÆ.

a *C*onstantinopolitana) Ita etiam legitur in
quinta collectione , sub hoc tit. cap. 3. De
hac Imperiali urbe egi in cap. 4. de confus.

I. **b** *Albanensis.*] Pelagius videlicet , creatus
Episcopus Cardinalis Albanus anno 1211. qui ab
Honorio III. in Orientem legatus missus est anno
1218. cum prævalido exercitu , à quo post
diuturnam obsidionem Damata nobile Ægypti
oppidum captum est , ut referunt Jacobus de Vi-

triaci lib. 3. hist. Orient. Vghel. tom. I. Ital. in Al
ban. Presul. fol. 297.

c *Romania.*] Idest Thracia , cuius caput est
Constantinopolis ; duas enim fuerunt provincias
hoc nomen sortita. Prima fuit Flaminia , cuius
Metropolis Ravenna erat ; alia in Oriente , trans
lato Imperio in Constantinopolin , sicut ipsa civi
tas nova Roma dicta fuit , ut probat Bosquerus
ad Innoc. III. lib. 1. regestr. 13. epist. 33.

d *Septimo , trigesimo.*) De omnibus his ob
ventionibus egi in cap. finali , de testam.

CAPUT XXXII.

Idem Episcopo² Tullenſi.

Tua nobis fraternitas intimavit , quod cùm tibi pro relevatione oneris debitorum ,
quo præmeris , duxerimus indulgendum , ut fructus beneficiorum , quæ interim
in diœcesi tua vacare contigerit , tibi liceat biennio retinere ; quidam Apostolicæ
gratiæ privilegium finistrâ interpretatione restringere molientes , afferunt præbendas ,
& majora beneficia nequaquam beneficiorum nomine contineri ; super quo interpre
tationem Apostolicam postulaſti. Nos igitur interpretum hujusmodi sententiam repro
bantes , auctoritate præsentium declaramus , quod præbenda , ac alia beneficia gene
rali beneficiorum nomine continentur.

NOTÆ.

a *Tullenſi.*) Ita etiam legitur in tercia colle
ctione , sub hoc tit. cap. final. ideſt Odoni ,
qui cùm eſſet cantor ipsius Ecclesiæ , in Prælatum

proprium electus fuit , ut refert Alberic. in chron.
ad annum 1218. ibi : Gerardus Metensis Primicerius ,
frater Comitus Hugenii in Episcopum Tullen
sem electus moritur , Cantor Odo in Episcopum pro
moveatur.

CAPUT